

《金有陀羅尼經》CBETA 電子版

版本記錄: 1.1

完成日期: 2002/11/04

發行單位: 中華電子佛典協會 (CBETA) cbeta@ccbs.ntu.edu.tw

資料底本: 大正新脩大正藏經 Vol. 85, No. 2910

No. 2910

金有陀羅尼經

如是我聞。一時薄伽梵住如籬筍。與藥叉□□金剛手俱

爾時天百施往世尊所。到已頂禮佛足。退□□坐一面已。天帝百施白佛言。世尊。我入戰陣而鬪戰時。以阿修羅幻惑呪術藥力墮於負處□已不。唯然願世尊。慈愍於我為令摧伏阿修羅眾幻惑呪術及藥力故。善說最勝大密之呪。時薄伽梵告天帝百施曰。憍尸迦如是如是。與阿修羅而鬪戰時。實以明呪祕呪藥力而墮負處。憍尸迦。為哀愍故今說明呪。欲令幻惑時呪退散鬪戰諍訟悉皆消滅。一切祕呪及諸藥等而得斷除。說於明呪。爾時薄伽梵說大金有明呪曰。我今為說三無數劫。諸餘外道行者遍遊罽形。而起惡思作諸障礙。我從彼來所有幻惑一切明呪悉能降伏。六度圓滿。斷除諸餘外道行者遍遊罽形諸惱亂。因明呪祕呪藥及一切諸魔朋黨大明之呪。憍尸迦。汝當攝受諸有情故受持最勝大祕密呪。天帝白言。如是世尊。唯然受教。爾時世尊。即說金有大明呪曰

怛也他唵 希儻希儻 希離希離 命離命離 希明離 儻希儻希 儻希囉祕儻
乾佐那波羝 哺羝哆滿怛囉 阿地訖梨羝 閉羝閉羝 閉哆滿怛囉 阿地迦囉羝 訶
那訶那 訶婆訶婆 親馱親馱 頻那頻那 薄伽跋羝 佐曳祕佐曳 攢婆儻悉談婆儻
畔馱儻 牟訶儻 阿牟伽爍羝 馱囉儻 訖利那訖梨那 迦多奈磨那婆 攢婆也攢
婆也 畔佐也畔佐也 悉談婆也 悉噉婆也 畔馱也畔馱也 牟訶也牟訶也

所有一切。若天幻惑。若龍幻惑。若藥叉幻惑。若羅刹幻惑。若緊那羅幻惑。若乾闥婆幻惑。若阿修羅幻惑。若莫呼洛迦幻惑。若大腹行幻惑。若持明呪幻惑。若持明呪成就王幻惑。若仙幻惑。若持一切明呪幻惑。若群生幻惑。若一切幻惑

囉囉囉囉囉佐也囉佐也 妬磨靚磨 妬妬磨 囉婆囉婆 囉婆那 作割蘭單 伽
蘭他儻 訶那訶那 薩婆鞞哆 奢咄嚧難 悉談婆也 秀延悉談婆也 蘇南悉談婆也
婆嚧難悉談婆也 惡儻寅悉談婆也 鬱乾 哆梨哆梨 梨馱 囉羝惟 馱囉寧 波
奢訶悉羝 弊奢他也婆世那 若有於我能為怨敵諸賊嗔恚具惡心鬪諍極諍欲作一切無
利益者 訶那訶那 哆訶哆訶 波佐波佐 半佐也半佐也 攢婆也攢婆也 悉談婆也
悉談婆也 半馱也半馱也 牟訶也牟訶也 摩訶牟訶儻 薄伽跋羝婆訶 於一切怖畏
燒惱疾疫願守護我叭馱婆訶

憍尸迦。若善男子若善女人。若王若王大臣。能憶念此金有明呪者。彼無他怖畏。於彼部黨他所敵軍不能侵惱。亦非天亦非龍。亦非藥叉亦非乾闥婆。亦非阿修羅。亦非緊那羅。亦非莫呼洛迦。亦非持明呪者。亦非飛空母等。亦不非時而持壽命明呪。祕呪一切諸藥不能為害。他所敵軍不能侵遶。他所敵軍而不傷命。刀不能害。水火毒藥明呪祕呪一切諸藥而不能侵。還著於彼自作教隨喜造罪彼之處所。憍尸迦。是故淨信苾芻苾芻尼。烏波索迦烏波斯迦。善男子善女人等。以此明呪呪水七遍。自洗其身能護於身。若有欲令於一切怖畏一切燒惱一切疫疾一切明呪一切祕呪一切諸藥一切厭蠱而超過者。當念此金有明呪。若王若王大臣。若欲摧他軍眾伏他軍眾。亦當念此金有明呪。若呪線七遍作七結已繫於身上。若呪水七遍能護自身。若有書寫於一切怖畏無障礙陀羅尼。或能受持。或繫脛下若置高幢入軍陣者。善安得脫。以此金呪威神之力。內族眷屬善安超過。未成能成。若欲摧伏諸明呪者。於白線上呪七遍已作七結者。能繫摧伏。若欲摧諸幻惑者。取塚間土呪七遍已而散擲者。能摧幻惑。論競之時欲禁其口。取秦菽離呪七遍已而嚙嚼者。一切言論悉能對答。受持讀誦而稱讚者。一切諸罪悉皆消滅。却往於彼造作之者及思惟所。或繫於繩及水自護者。於彼身上。一切明呪祕呪諸藥不能為害。未成辨者悉能成辨。彼所求事一切順從。時薄伽梵說是經已。天帝百施聞佛所說信受奉行

金有陀羅尼經一卷